

ତେସଲନିକିୟ ମଣ୍ଡଳୀ ନିକଟକୁ ପ୍ରେରିତ ପାଉଲଙ୍କ ପତ୍ର

ତେସଲନିକି ମଣ୍ଡଳି ଲାଗାଂ ପକ୍ୟାତି ପାଉଲଟି ରିଣ୍ଡି ଆକି ପତି ବିସ୍ତେନି ପାଦେକ୍

ତେସଲନିକିୟ ମଣ୍ଡଳି ଲାଗାଂ ରି ଆକି ପକ୍ୟାତି ପାଉଲଟି ହୁଦାଂ ଲେକା ଆଜି ମାଟାତ୍ ୧:୧ । ପର୍ତୁମ୍ ତେସଲନିକିୟନି ଅଲପ୍ ସମ୍ ପାଚେ ପାଚେ କ୍ରିସ୍ତୁତି ଜଲମ୍ନି ରିକଡ଼ି ଏଗାର୍ ୫୧ ବାହୁଁ ପାଚେ ଇ ଆକି ଲେକି କିଜି ମାଟାନ୍ । ପାଉଲ୍ ଏତେକାଡ଼ଦ୍ ତେସଲନିକିୟ ମଣ୍ଡଳିତ ଆକି ଲେକି କିତାନ୍, ହେ ପାଦ୍ନା ହେଞ୍ଜାନ୍ କରନ୍ତିୟ ମଣ୍ଡଳିତ ମାଟାନ୍ । ଇମ୍ଣି ମଣ୍ଡଳି ହେଞ୍ଜାନ୍ ରି ମିସ୍ନେରି ହାନିହିଂ ରଚ୍ଚି ମାଟାନ୍ ପକ୍ୟାତାକା ୧୭:୧-୧୦ ।

ପକ୍ୟାତି ପତିତ ଇନ୍ୟାନାଡ଼ ଜେ, ଏତେକ୍ ଜିହୁଦି ଆରି ବେସି ଗ୍ରିକ୍ ବେରଣ୍ ଇଞ୍ଜି ମାନି ମାନାୟାର୍ ହୁକେ ଇ ତେସଲନିକିୟ ମଣ୍ଡଳି ରଚ୍ଚି ମାଟାର୍ । ତେସଲନିକିୟ ମଣ୍ଡଳି ଲାଗାୟ୍ ଲେକା ଆଜି ମାଟି ଆକିତ କ୍ରିସ୍ତୁତି ଖାନାକା ଆରି ହାରିହାରା ସମ୍ ବିସ୍ତେ ଲେକା ଆତାଡ଼ନ୍ନା । ଇନାକିଦେଂକି ପାଉଲ୍ ହାରି ଆକିତ ତେସଲନିକିୟ ମଣ୍ଡଳି ଲାଗାୟ୍ ଇଦାଂ ରିହା ଖାନାକା ବିସ୍ତେ ବେସି ବିସ୍ତେ ଲେକି କିତାନ୍ନା । ରି ତେସଲନିକିୟତ ଲେକାତି ବିସ୍ତେ ଆଦିକ୍ ଆତିସ୍ ହାରିହାରା ସମ୍ ବିସ୍ତେ ଆନାଡ଼ । ପାଉଲ୍ ପା ଆଡ଼ସାୟ୍ ବିସ୍ତେ ଜାଲ୍ଦି କିୟକିତାନ୍ । ଜାଣ୍ଡକେ ମାନାୟ୍ ହେଞ୍ଜାଡ଼ତି କାଦି କାଜିଂ କାମାୟ୍ କିନି ଲଡ଼ା ୩:୭-୧୦

୨ ତେସଲନିକିୟ ପତି ବିସ୍ତେନି ରାହାଣ

୧. ପାଉଲ୍ ତା ଆକିତ ଜାର୍ ଆରି ହାଙ୍ଗଦାକାର୍ ଜାଣାଟିନା ହିଜି ହାଂନାନ୍ ୧:୧-୨
୨. ଆରି ତେସଲନିକିୟ ମଣ୍ଡଳି କାଜିଂ ଇସ୍ପର୍ଚ୍ଚିଂ ଜଞ୍ଜାର୍ ହିନାନ୍ ଆରି ପାର୍ତାନା କିନାନ୍ ୧:୩-୧୨

- ୩. ରି ପାର୍ବୁତ ଜଗତ୍‌ନି ହାରିହାରା ସମୁ ବିସ୍ତେ ଇନାନ ।
- ୪. ଆରି ହେୱାନ ଆଡ଼୍‌ସାୟ୍ ବିରୁଡ଼ତ ଆରି କସ୍‌କିନି ବିସ୍ତେ ଇନାନ
୩:୧-୧୫
- ୫. ପାଉଲ୍ ଆରେ ରଗ ମଣ୍ଡଲିନି ମାନାୟାର୍ ବାନ୍ଦାୟ୍ କିଜି
ଝିହ୍‌ନାନ ୩:୧୬-୧୮

୧ ପାଉଲ୍, ସିଲ୍‌ସାନ ଆରି ତିମତି ଆବା ଇସ୍‌ସର୍ ଆରି ମାପୁ ଜିସୁ କ୍ରିଷ୍ଟତାକେ ମାନି ତେସଲନିକିୟ୍ ମାନାୟାର୍ ମଣ୍ଡଲି ଲାଗାଂ ଆକି ଲେକିକିତାନନା । ଦୟା ଆରି ସୁସ୍ତା ମି କାଜିଂ ଆଏଡ଼ । ୨ ଆବା ଇସ୍‌ସର୍ ଆରି ମାପୁ ଜିସୁ କ୍ରିଷ୍ଟ ତାଙ୍ ଦୟା ଆରି ସୁସ୍ତା ମି କାଜିଂ ଆଏଡ଼ ।

କ୍ରିଷ୍ଟି ଆରେ ୱାନାକା ବିଚାର୍

୩ ଏ ଟଣ୍ଡାର୍, ଆରି ତଣ୍ଡେକ୍ ମି କାଜିଂ ଇସ୍‌ସର୍‌ତିଂ ସରୁଝେଡ଼ାଙ୍ ଡୁଝାର୍ ହିନାକା ମା ଲଡ଼ା, ଆରେ ହେଦାଂ କିନାକା, ଆରେ ହେଦାଂ ହାଦାକା, ଇନାକିଦେଂକି ମି ପାତର୍ କିନାକା ଆଦିକ୍ ବାଡ଼ା ଆନାତା, ଆରେ ହାରି କାଜିଂ ମି ଝିଜାର୍ ଜାଣକେତି ଜିଉନନାକା ବାଡ଼ାନାତା, ୪ ଏଲେଙ୍‌କି ଏପେଙ୍ ଇମ୍‌ଣି ଝିଜୁ ଇଣ୍ ଆରି ଦୁକ୍‌ବଗ୍ କିନାଦେରା, ହେବେ ପା ମିଂ ହୁଦାର୍ ଆରି ପାତର୍ କାଜିଂ ଆସେଙ୍ ନିଜେ ଇସ୍‌ସର୍‌ତି ମଣ୍ଡଲି ତାକେ ମି ବିସ୍ତେ ଗରବ୍ କିଜି ମାନାପ୍ ।

୫ ଇସ୍‌ସର୍ ଇମ୍‌ଣି ରାଜି କାଜିଂ ଏପେଙ୍ ଦୁକ୍‌ବଗ୍ କିନାଦେରା, ହେବେନି ଜଗ୍ ଇଞ୍ଜି ଗାଣାକିୟା ଆଦେଂ କାଜିଂ ଇଦାଂ ତ ଇସ୍‌ସର୍ ସମାନ୍ ବିଚାର୍ ଝିଜୁ ପାର୍ମାଣ୍ । ୬ ଇନାକାକି ନ୍ୟାୟ୍‌ନିକା, ଇନେକିଦେଂକି ମାପୁ ଜିସୁ ଏଚେକାଡ଼୍‌ଦ ଜାର୍ ସାକ୍ତିକାଟି ଦୁତର୍ ଲାହାଂ ଆସ୍ତି ମାନି ନାଣି ଲାହାଂ ସାଗେତାଂ ହଡ଼ନାଡ଼, ୭ ଇସ୍‌ସର୍ ମିଙ୍ଗ୍ ଦୁକ୍ ଗିଟାଈ କିଜି ମାଙ୍ ପା ସାସ୍ତି କିଦ୍‌ନାନ । ଇସ୍‌ସର୍ ଇ କାମାୟ୍ କିନାନ, ଏଚେକାଡ଼୍‌ଦ ମାପୁ ଜିସୁ ହେୱାନ୍ତି ଗାଜା ସାକ୍ତି ଦୁଡ଼ର୍‌ତି ଲାହାଙ୍ଗ୍ ସାଗେତାଂ ଜୁଦ୍‌ନାନ । ୮ ଇମ୍‌ଣାକାର୍ ଇସ୍‌ସର୍‌ତିଂ ପୁନୁର୍ ଆରି ମା ମାପୁ ଜିସୁତି ନେକ୍ତିକାରୁର୍ ମାନିକିଉର୍, ହେୱାରିଂ ହେୱାନ ମାପୁ ଜିସୁ ଜାର୍ ସାକ୍ତିକାଟାକାନ ଦୁତର୍ ହୁଦାଂ ନାଣି ଲାହାଂ ସାଗେତାଂ ଚଞ୍ଜ୍ୟା ଆଦ୍‌ନାନ; ହେ ଏଚେକାଡ଼୍‌ଦ ତାଣ୍ ହିନାନ, ୯ ହେ ନାଞ୍ଜିଙ୍ଗ୍ ହେୱାର୍ ତାଣ୍ ପାୟାନ୍‌ନାର୍, ଇତିସ୍ ମାପୁତି ଲାଗେ ତାଙ୍ ଆରି ସାକ୍ତିତ

ଜାଜ୍‌ମାଲ୍‌ତାଂ ଦେହା ଆଜି ଝିଜ୍‌ଝି ନାସ୍ ବଗ୍ କିତାର । ୧୦ ମତର ହେ ନାଞ୍ଜିଙ୍ଗ୍ ତା ମାନାୟାର୍‌ତାଂ ସମାନ୍ ଜାଜ୍‌ମାଲ୍ ପାୟାନାନ୍ ଇତିସ୍ ଇମ୍‌ଣି ନାଞ୍ଜିଙ୍ଗ୍ ହେଝାନ୍ ଜାର୍ ହୁଦାର୍ ହୁଦାଂ ଜାଜ୍‌ମାଲ୍ ଆଦେଂ ଆରି ପାତର୍ କିଜି ମାନି ପୁଇପୁୟା ମାନାୟାର୍ ଝିଜାର୍ କାଜିଂ କାବାତାଂ ଚଞ୍ଜିନି ଲାକେ ଆଦେଂ ଝାନାନ୍ ଇନାକିଦେଂକି ମି ଲାଗାୟ୍ ମା ସାକି ଏପେଙ୍ଗ୍ ପାତର୍ କିତାଦେର୍ଣ୍ଣା ।

୧୧ ଲାଗିଂ ମା ଇସ୍‌ସ୍‌ର ଇନେସ୍ ମିଦି ଜାର୍ କୁକ୍ୟାତିତ ସତ୍‌ଗୁଣ୍ ଇଞ୍ଜି ଗାଣା କିନାନ୍, ଆରେ ସବୁ ସତ୍ ଇଚା ଆରି ପାତର୍ ନି କାମାୟ୍ ସାକ୍ତିତ ବାତର୍ କିନାନ୍, ହେଦାଂ କାଜିଂ ପା ଆପେଂ ନିତ୍ରେ ମି କାଜିଂ ପାର୍ତାନା କିନାପା; ୧୨ ତା ଆତିସ୍ ମା ଇସ୍‌ସ୍‌ର ଆରି ମାପୁ ଜିସୁ କ୍ରିସ୍ତୁତି ଦୟା ଲାକେ ମା ମାପୁ ଜିସୁତି ତର ମିତାକେ ଜାଜ୍‌ମାଲ୍‌ତ ଆନାତ୍ ଆରେ ଏପେଙ୍ଗ୍ ତା ତାକେ ଜାଜ୍‌ମାଲ୍ ଆନାଦେର୍ ।

୨

ବାନ୍ୟା କାମାୟ୍ କିନାକାନ୍

୧ *ଏ ଟଣ୍ଡାର୍, ଆରି ତଣ୍ଡେକ୍ ମା ମାପୁ ଜିସୁ କ୍ରିସ୍ତୁତି ଝାନିଦିନ୍ ଆରି ହେଝାନ୍ତି ଲାଗାଂ ତା ତାକେ ମା ରୁଣ୍ଡାନି ବିସ୍ତ୍ରେ ମିଙ୍ଗେଙ୍ଗ୍ ଗଝାରି କିଦ୍‌ନାପା, ୨ ମାପୁତି ଦିନ୍ ଏକା ଝାତାତେ ଇଞ୍ଜି ଏପେଙ୍ଗ୍ ଇମ୍‌ଣି ଝାୟ୍‌ନି କାତା କି ମାହୁଦାଂ ଲେକାତାତନ୍ନା ଇଞ୍ଜି ବାବି କିଜି ଇମ୍‌ଣି ଚିତି ହୁଦାଂ ବେଗି ଏନେତେନେ କି ଗାବ୍‌ରା ଆମାଟ୍ । ୩ ଇନେର୍ ଇମ୍‌ଣି ବାନି ମିଦାଂ ବାମ୍‌ଣ୍ଡାନାକା ଜଲମ୍‌କିଦ୍‌ଝାଦାଂ, ଇନାକିଦେଂକି ପର୍ତୁମ୍ ହାରିହାରି ଦରମ୍ ପିହ୍‌ନାକା ଗିଟାନାତ୍, ଆରେ ନାସ୍‌ନି ହିମ୍‌ଣା ହେ “ବାନ୍ୟା ମାନାୟ୍” ଚଞ୍ଜାନାକା ଲଡା; ଆଝିତିସ୍ ମାପୁ ଦିନ୍ ଏକାଝାତତ୍ । ୪ ହେଝାନ୍ ହେ ଦାରୁମ୍ ହିଲ୍‌ଝି ମାନାୟ୍ ଜେ ଦୁକ୍‌ନିକାନ୍ ଇସ୍‌ସ୍‌ରତି ବେରୁ କିନାନ୍, ଝିଜାର୍‌ତାଂ ଜାର୍‌ତିଂ ଆଦିକ୍ ଝାରି କିନାନ୍ ଇନେସ୍‌କି ଇସ୍‌ସ୍‌ରତି ମନ୍ଦିର୍‌ତ କୁର୍‌ତି ହେଝାନ୍ ଜାର୍‌ତିଂ ଇସ୍‌ସ୍‌ର ଇଞ୍ଜି ଚଞ୍ଜୟା ଆନାନ୍ ।

୫ ଆନ୍ ମି ଲାହାଂ ମାନିଝେଡାଲିଂ ଇ ସବୁ ବିସ୍ତ୍ରେ ଜେ ମିଙ୍ଗେଙ୍ଗ୍ ରଗତିଂ ରଗ ଝେର୍‌ତି ମାନ୍‌ଝାଙ୍ଗ୍, ହେଦାଂ ଇନାକା ମି ଏତ୍ ହିଲୁଡ୍

* ୨:୧ ୨:୧ ୧ ତେସଲନିକି ୪:୧୫-୧୭.

? ୬ ଆରେ ହେୱାନ ଦାରୁମ୍ ହିଲ୍‌ଝି ମାନାୟ ସମାନ ସମୃତ ଚଞ୍ଚୟା ଆଦେଂ କାଜିଂ ଇନାକା ବାଦା ହିଦ୍‌ନାତା, ହେଦାଂ ଏପେଙ୍ଗ ପୁନାଦେର୍ । ୭ ଇନାକିଦେଂକି ବାନାଧା ତ୍ତୁତ୍ତି କାତା ନଙ୍ଗୟ ପା କାମାୟ କିନାତା, ବାଦା ହିନି ମାନାୟ ହାଲ୍‌ଝି ପାତେକ୍ ହେଦାଂ କାମାୟ କିଜି ମାନାତ୍ । ୮ ହେ ଏଚେକାଡ୍‌ଦ ହେ ଅଦାମ୍ ମାନାୟ ଚଞ୍ଚୟାନାନ୍, ତାଙ୍ଗେଙ୍ଗ ମାପୁ ଜିସୁ ଜାର୍ ଝେଇନି ପୁଣ୍ଡା ହୁଦାଂ ଅହ୍‌ନାନ୍ ଆରି ଜାର୍ ଝାନାକା ହପ୍‌ନି ହୁଦାଂ ନାସ୍ କିନାନ୍ । ୯ ସୟତାନ୍ ସାଲ୍ଲି ଲାକେ ଝିଜୁ ବାନି ମିତ୍ ସାଲ୍ଲି, ଚିନ୍, ଆରି କାବାନି କାମାୟ, ଆରେ ନାସ୍ ବାହାନ୍ ଲାଗେ ଝିଜୁ ବାନିନି ଅଦାମ୍ ଟକାୟକିନି ହୁଦାଂ ହେ ଅଦାମ୍ ମାନାୟତି ଝାନାକା ଆନାତ୍, ୧୦ ଇନେକିଦେଂ ଅଦାମ୍ ମୁଲ୍ଲି ପାୟାଦେଂ ହେୱାର୍ ହାଡ୍‌ପା କାଜିଂ ଜିଉନନାକା ପାୟା ଆଞ୍ଜାତାଣ୍ଡା । ୧୧ ଆରେ, ଇଦାଂ କାଜିଂ ହେୱାର୍ ଇନେସ୍ ମିତ୍ ପାତ୍ କିନାର୍, ହେଦାଂ କାଜିଂ ଇସ୍‌ବର୍ ହେୱାର୍‌ତି ଲାଗାଂ ବାମ୍‌ତାନାକା ସାଲ୍ଲି ପକ୍‌ତାତାନ୍ନା, ୧୨ ଇନେସ୍‌କି ଇମ୍‌ଣାକାର୍ ହାଡ୍‌ପାତିଙ୍ଗ୍ ପାତ୍ କିଞ୍ଜାଦାଂ ଅଦାମ୍ କାମାୟତ୍ ସାରି ଆତାଣ୍ଡା, ହେୱାର୍ ଝିଜାର୍ ତାଣ୍ଡି ଲକୁ ଆନାର୍ ।

ଏପେଙ୍ଗ ମୁକ୍‌ତାନାକା କାଜିଂ ବାଚିକିୟାତାଦେଣ୍ଡା

୧୩ ମତର୍, ଏ ମାପୁତି ଜିଉନନି ଟଣ୍ଡାର୍, ଆରି ତଣ୍ଡେକ୍ ମି କାଜିଂ ସବୁଝେଡାଙ୍ଗ୍ ଇସ୍‌ବର୍‌ତିଂ ଜୁଞ୍ଜାର୍ ହିନାକା ମା ଲଡା, ଇନାକିଦେଂକି ଇସ୍‌ବର୍ ଜିବୁନ୍‌ତିଂ ପୁଇପୁୟା ଆରି ହାଡ୍‌ପାତ୍ ପାତ୍ କିନାକା କାଜିଂ ମୁକ୍‌ତା ଆଦେଂ କାଜିଂ ମିଙ୍ଗେଙ୍ଗ୍ ପର୍ତୁମ୍ ବାଚି କିଡ୍‌ତାନନା; ୧୪ ହେଦାଂ କାଜିଂ ପା ହେୱାନ ମା ନେକ୍‌କାବୁର୍ ହୁକେ ମା ମାପୁ ଜିସୁ କ୍ରିସ୍‌ତି ଜାଜ୍‌ମାଲ୍ ପାୟାନି କାଜିଂ ମିଙ୍ଗେଙ୍ଗ୍ କୁକ୍‌ତାତାନା । ୧୫ ଲାଗିଂ, ଏ ଟଣ୍ଡାର୍, ଆରି ତଣ୍ଡେକ୍ ତିର୍ ମାନାଟ୍, ଆରେ ମା କାତା କି ଚିଟି ହୁଦାଂ ଏପେଙ୍ଗ୍ ଇମ୍‌ଣି ହିକାଧା ପାୟାତାଦେଣ୍ଡା, ହେ ସବୁ ଆସ୍ତି ମାନାଟ୍ ।

୧୬ ଆପ୍ ନିଜେ, ମାପୁ ଜିସୁ କ୍ରିସ୍‌ଟୁ ଆରେ ମା ଇମ୍‌ଣି ଆବା ଇସ୍‌ବର୍ ମାଙ୍ଗେଙ୍ଗ୍ ଜିଉନଜି ଦୟାତ ମାଙ୍ଗେଙ୍ଗ୍ ଝିଜୁ ଦୁକ୍‌ସାରାୟ କିଜି ଆରି ହାର୍‌ଦି ଆହା ହିଡ୍‌ନ୍ନା, ୧୭ ହେୱାନ ନିଜେ ମିଙ୍ଗେଙ୍ଗ୍ ମାନତିଂ ଦୁକ୍‌ସାରାୟ କିଜି ଝିଜୁ ହାର୍‌ଦି କାମାୟ ଆରି କାତାତ୍ ଆଟ୍‌ଞ୍ଜା କିଦେନ୍ ।

୩

ମା କାଜିଂ ପାର୍ତ୍ତନା କିୟାଟ୍

୧ ଏ ଚଣ୍ଡାର୍, ଆରି ତଣ୍ଡେକ୍ ମା କାଜିଂ ପାର୍ତ୍ତନା କିୟାଟ୍, ଇନେସ୍ ମାପୁତି କାତା ମି ବିତ୍ତେ ଇନେସ୍ ଲାକେ, ହେ ଲାକେ ନିତ୍ତେ ବେଗି ମେଙ୍ଗ୍‌ଜି ଜାଦ୍‌ମାଲ୍ ପାୟାନାଦେର୍, ୨ ଆରେ, ଇନେସ୍ ଆସେଙ୍ଗ୍ ବାବି କିଞ୍ଚି ଲକୁ ଆରି ଚାପ୍ପାର୍ତାଂ ରାକ୍ୟା ପାୟାନାସ୍, ଇନାକିଦେଂକି ଝିଜାକାତ୍ ପାତ୍ ହିଲୁଡ୍ ।

୩ ମତର୍ ମାପୁ ପାତ୍ କିନାନ୍, ହେଞ୍ଜାନ୍ ମିଙ୍ଗେଙ୍ଗ୍ ତିର୍ କିଜି ସୟତାନ୍ତାଂ ରାକ୍ୟା କିଦ୍‌ନାନ୍ । ୪ ଆସେଙ୍ଗ୍ ଇମ୍‌ଣି ସବୁ ବଲ୍ ହିଡ୍‌ତାନ୍, ହେ ଝିଲୁ ଜେ ଏପେଙ୍ଗ୍ କିନାଦେରା ଆରି କିନାଦେର୍, ଇଦାଂ ମି ବିତ୍ତେ ମାପୁତାକେ ମା ବାସ୍ ।

୫ ଆରେ ମାପୁ ମି ମାନ୍ତିଂ ଇସ୍‌ପୁତି ଜିଉନନାକା ଆରି କ୍ରିସ୍‌ତି ସାସ୍‌ଲାକେ ହାଜିଡ୍ ହାଞ୍ଜେଙ୍ଗ୍ କିୟକିଏନ୍ ।

ଝିଜାର୍ କାମାୟ୍ କିନି ଲଡା

୬ ଏ ଚଣ୍ଡାର୍, ଆରି ତଣ୍ଡେକ୍ ମା ମାପୁ ଜିସୁ କ୍ରିସ୍‌ତି ତର୍ଦ୍ ଆପେଂ ମିଙ୍ଗେଙ୍ଗ୍ ଇ ବଲ୍ ହିଦ୍‌ନାପା, ଇମ୍‌ଣାକାର୍‌ପା ଚଣ୍ଡେନ୍ ମା ତାଙ୍ଗ୍ ପାୟାତି ହିକ୍ୟା ଇସାପ୍‌ରେ ଚିନ୍ତା କିଞ୍ଜାଦାଙ୍ଗ୍ ଆଡ୍‌ସିୟା ଚିନ୍ତା କିନାନ୍, ତା ତାକେଣ୍ଡାଂ ଜାର୍ ଜାର୍ତିଂ ବିନେ କିୟାଟ୍ । ୭ ଇନାକିଦେଂକି ଇନେସ୍ ମାଙ୍ଗ୍ ପାଚେହାଲ୍‌ଜି ମିଦାଂ ଆନାଡ୍, ହେଦାଂ ଏପେଙ୍ଗ୍ ନିଜେ ପୁନାଦେରା; ଲାଗିଂ ଆସେଙ୍ଗ୍ ମି ବିତ୍ତେ ଆଡ୍‌ସିୟା ଚିନ୍ତା କିଞ୍ଜାଦାଂ ମାଚାପ୍, ୮ କି ମଲ୍‌ହିଲ୍‌ଞ୍ଜାଦାଂ ଇନେର୍‌ତି ଆରାଣ୍ ତିନ୍‌ଞ୍ଜାଦାଂ ମାଚାପ୍ ଲାଗିଂ ମି ବିତ୍ତେ ଇନେର୍‌ତି ବଜ୍‌ଲାକେ ଆଞ୍ଜିକାଜିଂ ବେସିକସୁ ଆରି ଦୁକ୍ ହୁଦାଂ ଝେଡାନାଣା କାମାୟ୍ କିଜି ମାଚାପ୍; ୯ ମି ତାଙ୍ଗ୍ ଅଲପ୍ ଅନାକା ଜେ ମା ଆଦିକାର୍ ହିଲୁଡ୍, ହେଦାଂ ଆକାୟ୍, ମତର୍ ଇନେସ୍ ଏପେଙ୍ଗ୍ ମା ପାଚେ ଝାଡ୍; ଇଦାଂ କାଜିଂ ଆପେଂ ମି ଲାଗେ ଜାର୍ ଜାର୍ତିଂ ହାର୍ କିଜି ଚର୍‌ଚେଦେଂ କାଜିଂ ହେ ଲାକେ କିତାପ୍ । ୧୦ ଇନାକିଦେଂକି ମି ଲାହାଂ ମାନିହିଂ ନେ ଆପେଂ ମିଙ୍ଗେଙ୍ଗ୍ ଇ ବଲ୍ ହିଡ୍‌ତାପ୍, “ଇମ୍‌ଣାକାନ୍ କାମାୟ୍ କିଦେଙ୍ଗ୍ ମାନ୍ କିଉନ୍, ହେଞ୍ଜାନ୍ ତିଞ୍ଜେଙ୍ଗ୍ ପା କାମେନ୍ ।

୧୧ ଲାଗିଂ ମି ବିଦ୍ରେ ଇନେର୍ ଇନେର୍ ଆଡ଼ସାୟ୍ ଚିନ୍ତା କିନାରା ଆରି ଇମ୍‌ଣାକା କାମାୟ୍ ଦୁକ୍‌ହିନାକା ବିପ୍ରି ଆନାରା ଇଞ୍ଜି ଆପେଂ ଝେନାପା । ୧୨ ଇ ବାନି ମାନାୟାରିଂ ସୁସ୍ତା ବାବ୍ରେ କାମାୟ୍ କିଜି ଜାର୍ ଜାର୍‌ତିଂ ଆରାଣ୍ ତିଞ୍ଜେଇଁ ଆପେଂ ମାପୁ ଜିସୁ କ୍ରିସ୍ଟି ତରଦ ବଲ୍ ଆରି ଗଞ୍ଜାରି ଚେଡ଼ନା ହିଦନାପା ।

୧୩ ଏ ଚଣ୍ଡାର୍, ଆରି ତଣ୍ଡେକ୍ ହାଡ଼ପା କାମାୟ୍ କିନିତାକେ ଏପେଇଁ ଝାହମାଟ୍ । ୧୪ ଆରେ ଏତେକାଡ଼ଦ ଇନେର୍ ଇ ଚିଟିତ ଲେକିକିତି ମା କାରୁର୍ ମାନିକିଉନ୍, ଝାଟିଇଁ ହେ ଲଗାଂ ଚିନି କିଜି ଇଟାଟ୍, ଆରେ ହେଝାନ୍ ଇନେସ୍ ଲାଜ୍ କୁଗାନାନ୍, ଇଦାଂ କାଜିଂ ତା ଲାହାଇଁ ମେହାମାଟ୍; ୧୫ ଆଡିସ୍‌ପା ତାଜେଇଁ ସାତୁ ଇଞ୍ଜି ବାବି କିମାଟ୍, ମତର୍ ତାଜ୍ ଚଣ୍ଡେନ୍ ଇଞ୍ଜି ବାବି କିଜି ଚେଡ଼ନା ହିୟାଟ୍ ।”

ହାରିହାରା କାତା

୧୬ ସୁସ୍ତାହିଦନି ମାପୁ ନିଜେ ମିଜେଇଁ ନିଦ୍ରେ ଆରି ସବୁ ବାନି ସୁସ୍ତା ହିଦେନ୍ । ମାପୁ ମି ଝିଜାଦେରିଂ ଆୟେଡ଼ ।

୧୭ ଆନ୍ “ପାଉଲ୍ ନା ନିଜେ କେଇଦ ଲେକିକିଜି ଦୁଝାର୍ ଜାଣାୟ୍‌କିଦନାଙ୍ଗା; ଝିଜୁ ଚିଟିତ ଇଦାଂ ଚିନ୍ ଲାକେ, ଆନ୍ ଇଦାଂ ଲେକିକିତାଂନା ।

୧୮ ମା ମାପୁ ଜିସୁ କ୍ରିସ୍ଟି ଦୟା ମି ଝିଜାଦେର୍ ଲାହାଂ ଆଏଡ଼ ।”

ସତ୍ ବଚନ
The New Testament in the Pengo language of India:
ସତ୍ ବଚନ

copyright © 2020 The Word for the World International

Language: Pengu (Pengo)

Contributor: The Word for the World International

ସତ୍ ବଚନ
ପୁନି ନିର୍ମାଣ , 2020

The New Testament in Pengo Language.

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-13

PDF generated using Haiola and XeLaTeX on 13 Jul 2024 from source files dated 14 Apr 2023

347138c8-2363-58d9-a1b0-0259691b7d43